



SIYDIK YO'LLARI INFESIYALARINING MIKROBIOLOGIK QO'ZG'ATUVCHILARI

Fozilov A.V., Alyavi B.A., Xakimov SH.N., Asatova N.B.

Tibbiyot xodimlarining kasbiy malakasini rivojlantirish markazi va Respublika ixtisoslashtirilgan terapiya vatabbiy reabilitatsiya ilmiy-amaliyat tibbiyot markazi

Toshkent, O'zbekiston

Tadqiqot maqsadi. Kasalxonadan tashqaridagi bemorlarda siylik yo'llari infeksiyalarining etiologik tuzilishini va asosiy qo'zg'atuvchilarning antibiotiklarga sezgirlingini aniqlash.

Tadqiqot materiallari va usullari. Tekshirish Toshkent shaxrida siylik yo'llari infeksiyasi bilan og'rigan 720 ambulator bemorlarda olib borildi. Mikroorganizmlarning identifikatsiyasi va keng ta'sir doirasiga ega bo'lган antibiotiklarga sezuvchanlik Tibbiyot xodimlarining kasbiy malakasini rivojlantirish markazi "Mikrobiologiya, immunologiya va molekulyar genetika asoslari" kafedrasida standart Tavsiyalar va Xalqaro ko'rsatmalardan foydalanib, Myuller - Xinton ozuqa muxitida disk diifuzion yo'l bilan aniqlandi.

Tadqiqot natijalari. Tekshirish davrida siylik yo'llari infeksiyalari bilan kasallangan bemorlardan 480 ta bakteriya shtammlari ajratib olindi. Siylik yo'llari infeksiyalarini qo'zg'atuvchilari etiologiyasida Enterobacteriaceae oilasi vakillari ustunlik qildi. (E.coli - 40%, Klebsiella spp - 2,6%, Proteus spp - 4,6%, Enterobacter spp 15%). Pseudomonasa eruginosa 1%, grammusbat mikroorganizmlardan S.aureus - 15,6%, Enterococcus spp - 8,5%, koagulaza manfiy stafilokokklar - 10,4 va Candida - 2,1 xolatda ajratib olindi. Mintaqamizda jiddiy muammolardan biri xisoblangan, antibiotiklarga chidamlı enterobakteriyalarning siylik tanosil a'zolari infeksiyalarining asosiy patogenlari sifatida yetaricha o'rganilmagan.

Shu munosabat bilan, ajratib olingen qo'zgatuvchilarning, birinchi navbatda bu patologiyada eng ko'p ajratib olingen E.coli antibiotikka sezuvchanligini urganib chiqdik. Ajratib olgan E.coli shtammlarining ampitsillinga 34% va xloramfenikolga 51% sezuvchanligi aniqlandi. Shuni ta'kidlash kerakki, bizning mintaqamizda sefolosporinlar hozirgi kunda ham eng ko'p ishlataladigan antibakterial preparatlardan biridir. E.coli shtammlarining sefolosporinlarga sezuvchanligi taxlili shuni ko'rsatdiki; II III avlod sefolosporinlariga sezuvchanlik o'zgaruvchan bo'lib, sefuroksimga - 52,4%, seftriaksonga - 34,8% va seftazidimga 66,2% ni tashkil etgan. Biz, kasalxonadan tashqaridagi shtammlar ustida ishlaganimizni xisobga olgan xolatda, bu ko'rsatkichlar E.coli shtammlarining sefolosporinlarga juda yuqori turgunlikka ega ekanligini va ambulator bemorlar orasida keng doiradagi betalaktamaza ferment ishlab chiqaruvchi esherixiyalar, siylik yullari kasalliklarining asosiy quzg'atuvchilaridan biri ekanligidan darak beradi. Umuman olganda, siylik yo'llari infeksiyalarini bilan kasallangan bemorlardan ajratib olingen barcha turdag'i enterobakteriyalar, tekshirish natijasiga ko'ra barcha karbapenemlarga (100%) sezgir bo'lib, aminoglikozidlardan (68,1%), ftxorxinolonlar orasidan levofloksatsinga (83,2%) sezgirlikka ega ekanligi aniqlandi.

Xulosa. Kasalxonadan tashqari xolatda siylik yo'llari infeksiyalarida Enterobacteriaceae oilasi vakillari eng ko'p uchraydigan qo'zg'atuvchilar bo'lib, ular orasida E.coli ustunlik qilishi aniqlandi. Antibiotiklarga sezgirlik natjalarga ko'ra enterobakteriyalar oilasida karbapenemlarga, ftxorxinolonlar orasidan levofloksatsinga yuqori sezuvchanlik saqlanganligi, asosiy patogen xisoblangan E.colida, ampitsillin va xloramfenikolga sezuvchanlik pasayganligini ko'rsatadi. Antibiotik grammning sefolosporinga nisbatan natjalariga asoslanib, esherixiyaning keng doirali betalaktamaza ferment ishlab chiqaruvchi shtammlarini tarqalganligi tasdiqlandi.